

boenda
FERÐIR

VORDAGAR VIÐ GARDAVATN



1. – 11. maí 2024
Fararstjórn: Hólmfríður Bjarnadóttir

Vor 7
Ítalía | Austurríki | Þýskaland

Ferðalýsing

Gardavatn hefur verið einn vinsælasti áfangastaður Íslendinga til margra ára, enda meðal allra fegurstu staða á Ítalíu. Sjálfur Goethe líkti staðnum við himnaríki og skal engan undra. Við hefjum þessa ljúfu ferð á því að aka upp í stórbrotin Alpfjöllin, suður til Brixen í Trentino á Ítalíu en árnar Eisack og Rienz, ásamt umlykjandi vínekrum og aldingörðum, gera Brixen að einstaklega heillandi og fallegum stað. Við upplifum mikla náttúrufegurð uppi á Plose, heima fjalli Brixen bæjar, áður en ekið verður til Riva del Garda sem tekur á móti okkur við hið sægræna Gardavatn. Bærinn stendur á fallegum stað við vatnið og er einn vinsælasti ferðamannastaður svæðisins. Við munum fara í áhugaverðar skoðunarferðir, m.a. til Feneyja sem hefur löngum verið kölluð drottning Adríahafsins. Förum í yndislega siglingu á Gardavatni til bæjanna Limone og Malcesine, heimsækjum Veróna, eina elstu og fallegustu borg Norður-Ítalíu, og skoðum hina dulúðlegu pílgrímskirkju Madonna della Corona. Í þessari ljúfu ferð ætlum við að njóta samverunnar í undurfögru umhverfi á Ítalíu.

11 dagar | 10 nætur

2 nætur Brixen | 8 nætur Riva del Garda



1. maí | Flug til München & Brixen

Brottför frá Keflavík kl. 7:20. Mæting í Leifstöð um 2,5 klst. fyrir brottför. Lent í München kl. 13:05 að staðartíma. Þaðan verður stefnan tekin suður á bóginn upp í stórbrotin Alpfjöllin, stoppað verður við Evrópubróna og ekið yfir hið sögufræga Brennerskarð sem er ein lægsta og jafnframt mikilvægasta leiðin yfir Alpfjöllin. Endum í Brixen í Suður-Tíról á Ítalíu og gistum þar í tvær nætur. Sameiginlegur kvöldverður á hótelinu

2. maí | Brixen í Suður-Tíról

Brixen er ein af perlum Suður-Tíról. Eftir morgunverð verður farið í stutta gönguferð um elsta hluta borgarinnar en hún er höfuðstaður Eisackdalsins og liggur við rætur fjallsins Plose. Í þessum 20.000 manna huggulega bæ finnst gamlar götur, brýr, kirkjur og söfn. Þar mætast árnar tvær Eisack og Rienz sem ásamt umlykjandi vínekrum og aldingörðum gera Brixen að einstaklega heillandi og fallegum stað. Eftir gönguferðina er frjáls tími til að skoða bæinn betur og líta inn á kaupmenn bæjarins sem geta verið ansi líflegir. Einnig er upplagt að nota þá glæsilegu aðstöðu sem hótelið býður upp á. Sameiginlegur kvöldverður á hótelinu.



3. maí | Fjallið Plose & Riva del Garda við Gardavatnið

Nú kveðjum við bæinn Brixen eftir yndislega dvöl og góðan morgunverð. Við byrjum daginn á að farið upp á Plose, heimafjalli þeirra í Brixen sem er 2542 m á hæð. Farið verður með kláf upp á fjallið þar sem náttúrufegurðin umvefur okkur og glæsilegt útsýni er yfir Eisackdalinn og Alpa fjöllin. Eftir dásamlegan tíma þar verður haldið á aðaláfangastað ferðarinnar, til bæjarins Riva del Garda sem tekur á móti okkur við hið sægræna Gardavatn. Bærinn stendur á fallegum stað við vatnið og er einn vinsælasti ferðamannastaður svæðisins. Þarna munum við gista í átta nætur á góðu hóteli í miðbænum. Sameiginlegur kvöldverður á hóteli.

4. maí | Frjáls dagur í Riva del Garda & stutt skoðunarferð

Dagurinn verður rólegur en að loknum morgunverði förum við fótgangandi í stutta skoðunarferð um bæinn Riva del Garda. Að henni lokinni er frjáls tími til að skoða sig um í þessum snotra bæ, ganga litlar og þröngar götur hans, staldra við í verslunum, rölta undir pálmatrjám með fram ströndinni eða upp að virkinu Bastillione, þaðan sem er einstakt útsýni yfir vatnið. Einnig er kjörið að njóta aðstöðunnar á hótelinu, annaðhvort í garðinum við sundlauginna eða í heilsulindinni. Upplagt væri að fá sér léttu hádegishressingu saman á Hótel Central sem er á aðaltorgi bæjarins. Kvöldverður á eigin vegum.

5. maí | Dagsferð til Feneyja

Fyrir höndum er yndislegur og stórskemmtilegur dagur. Við leggjum snemma af stað og ökum til Feneyja. Við byrjum á ljúfri siglingu inn í borgina frá bílastæðinu. Auður og íburður blasir hvarvetna við í borginni og á vegi okkar verða stórfenglegar sögulegar byggingar eins og hertogahöllin sem er ein glæsilegasta bygging borgarinnar. Við skoðum líka Markúsartorgið þar sem Markúsarkirkjan stendur. Hún er ein merkilegasta kirkjubygging veraldar, byggð í austrænum stíl og minnir á höllina úr ævintýrinu 1001 nótt. Við komum að hinni frægu Rialto brú sem liggur yfir Canal Grande skurðinn en hann mun vera 3,8 km langur og 900 m breiður og við hann standa hvorki fleiri né færri en 200 hallir. Síðdegis mun hverjum og einum gefast tími til þess að skoða þessa fallegu borg betur, njóta mannlífsins og jafnvel líta inn á söfn. Við endum daginn með trompi með því að sigla til baka með leigubátum um Canal Grande skurðinn og upplifum allar glæsilegustu hallir borgarinnar. Komið verður aftur á hótél undir kvöld. Sameiginlegur kvöldverður á hóteli.



6. maí | Bærinn Garda & pílgrímskirkjan Madonna della Corona



Yndislegur dagur sem byrjar á að ekið verður suður með Gardavatni í gegnum fjölmarga litla bæi til Garda sem er litríkur og skemmtilegur bær. Þar gefst tími til að fá sér hressingu og skoða sig um í fallegu umhverfinu en einnig eru skemmtilegar litlar verslanir sem gaman er að kíkja í. Eftir það verður ekið upp í hæðir Monte Baldo fjallsins til Spiazzi. Þaðan förum við

í stutta og rólega göngu að Pílgrímskirkjunni, Madonna della Corona, sem er byggð í 774 m hæð og er ekki hægt að segja annað en að mikil dulúð hvílir yfir þessum helga stað. Eitt af sérkennum kirkjunnar er staðsetning hennar og arkitektúr og ekki síst það að hún var

að hluta til byggð beint inn í klettinn. Stórkostlegt og magnað útsýni er yfir Adige ána og dalinn. Kvöldverður á eigin vegum.

7. maí | Rólegheit og slökun í Riva del Garda

Dagur í rólegheitum í Riva del Garda þessu töfrandi bæ, upplagt er að nota aðstöðuna við hótelið. Skoða sig betur um í bænum eða taka sér göngu með ströndinni eða bara njóta þess að vera á þessum yndislega staða þar sem náttúrufergurðin umleikur okkur. Kvöldverður á eigin vegum.

8. maí | Dagsferð til Veróna



Nú verður ekið til Veróna, elstu borgar Norður-Ítalíu, og er þetta einn hápunktur ferðarinnar. Veróna er borg menningar og lista en frægust er hún sem söguvið leikrits Shakespeare um Rómeó og Júlíu. Farið verður í skoðunarferð um borgina og staldrað við helstu staði þessarar merku borgar. Þar má nefna þriðja stærsta hringleikahús veraldar, Arena, og Kryddtorgið en þar stendur fjöldi fagurra

bygginga og minnisvarða. Allur miðbær borgarinnar eins og hann leggur sig er skráður á heimsmínjaskrá UNESCO og ekki að ástæðulausu. Eftir skoðunarferðina um borgina verður gefin frjáls tími til að fá sér hressingu og kanna líf bæjarbúa. Sameiginlegur kvöldverður á hóteli.

9. maí | Sigling á Gardavatni, Limone & Malcesine

Farið verður í ljúfa siglingu á Gardavatni. Haldið til Limone, eins fallegasta bæjarins við vatnið og þar áð í dágóða stund. Þaðan verður siglt yfir sægrænt Gardavatnið yfir til Malcesine sem er sögufrægur ferðamannabær við austurströnd vatnsins. Í Malcesine gefum við okkur góðan tíma, fáum okkur hressingu og skoðum okkur um í bænum. Áhugasamir geta farið með kláf upp á Monte Baldo, hæsta fjallið við Gardavatn, en aðrir geta litið inn í mjög áhugaverðan gamlan kastala sem er að finna í bænum. Siglt til baka til Riva del Garda. Kvöldverður á eigin vegum.



10. maí | Frjáls dagur í Riva del Garda

Dagur í slökun og rólegheitum. Upplagt að nota aðstöðuna við hótelið eða skoða sig betur um í þessum töfrandi bæ. Einnig er hægt að fara í skemmtilega göngu með ströndinni til næsta bæjar, Torbole, sem er enn einn hrífandi bærinn við vatnið. Þeir hressustu geta gengið upp í Santa Barbara kapelluna sem er í 625 m hæð yfir bænum. Sameiginlegur kvöldverður á hóteli.

11. maí | Heimferð frá Mílanó

Eftir glæsilega og skemmtilega ferð verður ekið út á Malpensa flugvöll í Mílanó. Brottför þaðan kl. 15:30 og landing í Keflavík kl. 17:45 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.

Verð

339.000 kr. á mann í tvíbýli | 44.800 kr. aukagjald fyrir einbýli.

Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Morgunverður allan tímann á hótelum.
- ✓ Sex kvöldverðir á hótelum.
- ✓ Aðgangur að hringleikahúsinu í Veróna.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.



Ekki innifalið

- ✓ Aðgangseyrir inn í söfn, hallir og kirkjur.
- ✓ Kláfar eða stólalyftur upp á fjöll.
- ✓ Siglingar og vínsmökkun.
- ✓ Fjórir kvöldverðir í Riva del Garda.
- ✓ Hádegisverðir.
- ✓ Þjóf fé.

Valfrjálst

- ✓ Sigling í Feneyjum u.þ.b. € 20.
- ✓ Sigling á Gardavatni u.þ.b. € 23.
- ✓ Kláfur frá Malcesine upp á Monte Baldo u.þ.b. € 23.

